

四庫全書

集部

欽定四庫全書

午亭文編卷十九

大學士陳廷敬撰

今體詩

賜船恭紀

舟航利涉是殊榮

特賜還勞記主名

命以石家船
賜臣

此去真從天上坐多時偏許

御前行

命在
御舟前行

春山春水年年好江草江花處處生

不為勤民叨法從烟波空有叩舷情

潞河訓吳西齋送別

鞍馬頻年老薊城臨流擊楫憶平生文章自寫衰遲意
烟水新關故舊情君向海山分位業我從塵土濯簪纓
觚稜小別勞相念柳外花邊昨日行

舟發潞河簡同直諸公

解纜冰銷及好春碧琉璃淨鏡光新別來官舍隨漁舍
禮罷山神見水神塞北幾時今已老江南有夢竟成真

連船擁楫相從處應是三生未了因

寫懷與同舟兼寄京師遊好

杜陵野老一生詩抗疏匡衡早遇時得失渾如前日事
塵埃敢道十年遲天涯船舫為書局官路鶯花付酒卮
寄語京華驢背客水雲閒淡有人知

題石家船版上

禁中清漏語頻宣水驛郵籤興渺然令德世稱倉氏族
佳名天錫石家船

諭旨石家船好

桃花滿載金波月楊柳全浮

玉座烟大地恩光隨處是五湖三泖擢歌邊

舟行晏坐即事

畫舫烏檣宿靄晴鑪烟近接

御香清吉祥雲裏從容住安穩光中自在行水月似曾
經夢寐山河今已見空明

君恩載得舟船重五日才為百里程

狼窩

狼窩名匪佳條狼義有取還將天山弓射殺白額虎

花朝寄阮亭

花朝往事夢魂遙，鎖院重簾話寂寥。十五年來頻聚散，

今朝烟水是花朝。

辛未與阮亭同領貢舉語江南烟水之勝余有詩云記取花朝明日是幾

番風雨對牀時

閭岸上梵聲

明滅斜陽洲景微，梵聲何處出林扉。浮雲不限身南北，

慧日常銷世是非。塵劫遠尋期鷲嶺，江湖有夢到漁磯。

長河風利翻嫌駛，處處茅菴可息機。

同行諸子皆江南人即事有贈

輕寒薄靄汎遙津一出青門事事新
官舫但容搜句客別船還載著書人
河橋煙柳堪相贈江縣紅梅早放春
君是南歸我去北不知誰主與誰賓

憶天涯煙舫題南來小舟四絕句

竹篙青幕漾輕嵐如葉隨風下釣潭
秋水一塘輪一隻當時曾擬到江南

水嬉天慰白頭人南舫來時物候新
不礙琉璃清淨眼

揚州烟月冶城春

南船應載五湖遊散盡行人萬項愁得似多情白太傅
歸來舊舫憶蘇州

也是雲天是水天春花如霧柳如煙怪他日夜東流水
送盡南來北去船

舟行寄舍弟

乞得蓬牕盡日留今朝晴暖趁春遊一生閱世如窺牖
臨老逢人解泛舟別後無書題塞雁行來有約寄沙鷗

憑君了却公家事山水漁樵儘自由

汶水

汶水南來處迢迢作意行帆檣連

帝里漕輓達神京善下還多讓居高最有情合流同到海對此豁平生

余觀天津北汶水路河合流處心固已異之及東南行數日見汶水曲折流數百里而北一旦遇潞河水折而東若無意然者於余心益有感焉

既為汶水詩又題長句以示壯履

舟過東南十日程偏於汶水最含情為憐宛轉朝京去
還見低徊赴海行能以功成如未有却將身退等無名
人生解識清流意何處人心不太平

早發滄州南三十里磳河驛懷湯西厓給諫

與君同扈從先後是同舟春水生河驛閒花上戍樓三
山連大海五壘抱皇州千古承平意因風寄擢謳

交河河岸古寺

茫茫兩岸即恒沙
行客流光暮景斜
天雨似曾施藥草
春風空自逐楊花
心遊三昧渾如夢
身許雙峰却是家
煩惱不辭為晏坐
碧雲無礙水無涯

入山東界寄阮亭

千里江湖夢三春雨
雪遊風帆出渤海
星野入齊州九點
烟仍在長河日自
流相思若汶水不
斷繞行舟

德州南界懷田綸霞馮大木

夜過東陽界
朝行衡水濱
青春方浩浩
白髮任紛紛
山

遠留殘照川長宿去雲閒心逐流水今日為思君

夜行遇淺寄秋崖京師

臨深方浩渺遇淺亦嶙峋月黑憑漁火天高訴水神千
檣雖共集四海若無鄰試問栖栖者何如京洛塵

曉行東光縣界

相報桃花恐易迷紅雲未動月輪西長年大是多情客
伴我黃昏伴曉雞

南皮二絕句

漳水瀟瀟霸業休
鄴中文采自風流
甘瓜朱李西園夜
回首南皮是舊遊

繁華寂莫在斯須
金谷池臺徧綠蕪
最是墜樓人未老
真珠終不負齊奴

棘津城

倚櫂臨前浦
蒼茫弔古情
遙思渭濱叟
一望棘津城
水帶春星動
沙流岸月明
祇應垂釣處
漁父足平生

武城南界懷六箴
鄖陽荀少桂陽

纔向燕齊問路歧還於楚客寄相思一官萬里湖南北
兩地三年人別離芳草池塘江上夢綠波春浦卷中詩
不因霄漢乘槎下爭見連天水去遲

次臨清懷梅莊

江海平生意遠遊誰與同滿槽東上水半幅北來風柳
已多含綠梅應早放紅山花開又落不擬在船中

河干逢蔣念祖使君撫今追往因有是贈

御史牀邊柏工烏龍門人在舊樞趨山長水遠詩難好

化美風移興不孤說尹野人終在口
勸耕春鳥曉相呼
郎君已自施行馬最有清名滿

帝都

過臨清計程阮亭相見不遠戲有此寄

長風駕浪去悠悠過訪何當似剡中
元禮自為倉卒客
樂天豈是囁嚅翁極知浩蕩如前浦
聊得安閒出至公
蠶尾鵲花紛在眼不應獨賞與相同

船牕見月

岸馬動如羣沙明曙色分樹迎前浦月人卧半船雲雁影連朝盡漁歌徹夜聞蓬牕開復掩春思恐紛紛

土橋待閘行五閘矣

五閘行來物候新日高浪捲岸無塵似將池沼縈迴勢留得煙雲浩蕩春雞犬村邊勸農吏漁商波上太平民
昨宵親見

天顏喜畫舫丁東玉漏頻

夜泊東昌城下

臨清昨夜春水生
河上春燈曉送行
今夜泊舟鉅鹿郡
黃昏煙火似臨清

東昌城下已泊夜
移船欲過閘未得

城東北隅
有望歡樓

一夜停橈處
千秋望嶽情
水流聊攝地
雲鎖魯連城
擊汰堤花動
移檣閘火明
東樓不可上
迢遞且南征

出陽穀界

春秋齊宋江
黃會于陽穀

少昊遺墟歷大東
吾衰那敢夢周公

周以少昊之
墟封伯禽

絃歌

魯國春風裏
盟土齊侯夕
照中終古奎
婁天象在至今

永泰霸圖空斯文適遇

興王會鳳鳥何時過故宮

湖雲二首

水上烟嵐迴不羣望中溶漾杳難分
蜃樓日觀連天起知是湖雲是海雲

金臺玉殿侶仙羣雲是三山萬派分
欲向此中訪黃鶴仙人騎鶴亦騎雲

汶水道中題觀海集

風流文采幾人同
芳草萋萋汶水東
千里山川高枕外
百年身世一舟中
風帆欲定歸神燕
烟櫂無聲近野鴻
我亦乘流觀海去
把君詩卷問鴻濛

滕縣岸上人家

岸遠湖平雪浪堆
煙禽飛處釣船迴
淒涼華屋都經過
只愛茅軒照水開

水鳥

初飛似整亂還低
自信塗鴉一抹齊
水鳥也思排雁字

笑他野鷺厭家雞

沛縣界珠梅閘過三十九閘矣

退之汴泗交流句今日長吟笑口開
解道洛川三十九不如春水一帆來

雨泊沔河二首

紅濕牕花逐慢浮
翠低隴麥映波流
蘭旌桂櫂終難似
從此舟名喜雨舟

好風好雨送遙津
同是敲冰嚼雪人
酌取清波當桂醕

敢將牛酒瀆龍神

社日晚泊寄韓韓山

娟娟雲月點空斜
忽漫春陰闇物華
舊隱相依同社日
孤帆陡覺在天涯
難逢有味偷閒客
易過無情伴落花
回首厭厭真一夢
海漚滅處是吾家

夢孟孫

有序

孟孫小字臺哥
余殤孫也
以庚辰除夜生
生之夕余夢孟子之孫來
故名之曰孟孫
生而聰慧絕人
余特

愛之以癸未中秋日不病俄頃而亡

自恨心清老未慵來無所止去何從斷魂往事孤舟客
猶是當時夢裏逢

夢人贈筆

一字何曾轉法車膏肓泉石癖烟霞多君枉贈如椽筆
幸不生來筆上花

將渡河夢與朱字綠別

汶流相送日清冷忽漫洪河望渺冥千里扈行猶輦路

幾回話別是離亭花飛旅鬢逢人白草長天涯似舊青
不為隴頭嗚咽水也因南浦惜飄零

渡河

畫舸中流一櫂過日邊雲際渡黃河靈槎已見仙源路
驚浪還為德水波禹鑿八年因地險

帝平三患得天和吳檣越榜連江漢欲笑宣房瓠子歌
河上遇桐城先生二首

也紅亭子近如何歸路櫻桃應漸多不似黃柑三百顆

封題遠寄洞庭波

也紅先生亭名子
為作記屢見集中

連日春陰雨滿河
河邊相遇日晴和
却看雲散歸無事
猶作烟巒水上多

河上白鳥羣飛畧似北雁

一水連天雲四圍
成行水鳥弄晴暉
眼明不見春歸雁
昨日北河相背飛

泊淮安城下廣陵以春橘見贈

春華秋實總含情
金橘和枝露染成
珍重過淮為枳意

相逢今夜泊淮城

清江浦舟宿懷及門諸子

渾似都亭未別時
紅舷烏榜倍相思
文章自是千秋貴
衰晚誰堪一字師
北去雲山人夢寐
南來烟水路參差
回看擊筑高歌地
柔翰新編數首詩

二絕句

寂莫韓侯五世情
不逢亭長亦埋名
橋邊書卷知何用
只好相尋向穀城

解道人生隙過塵仙家辟穀豈無因娥姁彊食緣何事
祇似摩登破戒人

平河橋南二首

芒屨蹋透利名關一葉輕舟祇是閒獨立斜陽心萬里
四天雲卷更無山

千枝萬枝岸邊柳三家五家川上邨剪茅蓋屋荻編壁
縣吏來時輕打門

三湖二首

湖光杳無際河上櫂歌行春水連天盡斜陽接地平雲霞三百里烟火幾重城可惜風帆駛郵籤促去程

三湖望不極夕艇進長河老屋偏臨水兒童解弄波星明依釣火月影散漁蓑閱盡烟濤意生涯足歡歌

揚州二首

綠楊城郭古揚州多是三生夢裏遊今日到來雙鬢老朱樓空捲玉簾鉤

煙月揚州處處花風流贏得俗人誇憑君更數淒涼句

終古垂楊有暮鴉

泊舟揚州城下午睡起作二首

竹西何處水悠悠
鼓吹居然擁上游
不信揚州佳麗地
道人岑寂卧孤舟

破睡無如茗一甌
松風魚眼已飈飈
更分一掬中冷水
洗盡江山萬古愁

江天寺

即金山

吳楚地分南北界
江山天擁畫圖中
拍浮慧日中流住

湧現身雲彼岸空多寶已乘雙象老巨靈還戴六鼇雄
却看無實無虛義元相居然逝水東

聖恩疊被復蒙

賜金恭紀

香羅蛺蝶錦麒麟飽食

天厨盡上珍節儉

皇朝多厚祿寒微家世不長貧一時更拜千金

賜四海還同萬戶春行向禹疆南北路蠲租處處樂堯民

虎丘五絕句

雲巖寺

雲根拔地玉琅玕
鎖向松門浸碧瀾
深掩青山遮綠水
只因多著畫闌干

生公講堂

一字何曾道著來
拈花世界又花開
誰知一片千人石
日日生公坐講臺

短簿祠

短簿祠荒春草新東亭往蹟久成塵能令公喜令公怒
憐爾當時好事人

顏魯公刻石

魯公書翰自通神潑墨雲山跡尚新清遠仙人曾不死

應同塵世歷周秦

石刻清遠道士詩有云我
本長殷周遭罹歷秦漢

千頃雲

寺後東軒名義取東
坡詩雲水麗千頃

繡出春畦映水文菜花黃盡綠陰分無邊無礙虛明相
萬頃波光萬頃雲

雲間竹枝五首

城外海江天一涯城中烟火萬人家
溝渠盡長通潮水籬落都開向日花

江城流水逐門開水上殘紅映碧苔
試問柳塘深幾許兒童相報早潮來

山禽杳杳白雲中一日能乘九萬風
何事華亭不見鶴鶴波元只在城東

烟巒數仞立孱顏下瞰清溪碧玉環
行盡九峯休悵望

道人只住小橫山

江東人物渺荒丘寂莫孫郎霸業休
落日青龍江上水故應千古向東流

寶雲寺寄儼齋尚書兼懷瑁湖薛澱兩侍郎

官橋鄰淨宇川路接遙天
潮送春畦水鐘流遠樹烟
清華江左映文字禁林傳萬事
從游處無心問八禪

泊舟松江城下寄廖樾阡林慮

早潮相送晚潮迎
帆落潮平暮靄生
老去北山思舊隱

夢回南浦悵離情
清泉曉映黃華谷
芳草春深白苧城
才子高名喧小邑
可堪經術用西京

雲間弔董閬石

目為傷春極情因感舊
長數行垂老淚千古別離腸
江館荀鳴鶴亭林顧野王
才名終寂寞憑弔向斜陽

次嘉興寄儼齋尚書二首

迴合三江送碧流
雲間東望水悠悠
越山未到吳烟暝
脩竹柔桑入秀州

西去扁舟夕照時落帆亭下落帆遲五茸好景空回首
為報江南數首詩

過嘉興懷朱竹垞

一城屹立何牆孤東並三江盡五湖渾似天津分水處
故人喚作小長蘆

舟次襍咏四首

京口至餘杭河渠八百里本為通舟船分作溉田水
栽桑如插稻溪上自成田始信麻姑語曾疑是浪傳

夜夜水上宿識得水上趣
鴛鴦與鸕鷀原在無人處
三月吳興守千秋數首詩
苔溪與雪水淚比岷山碑

懷彭美門少宰二首

相思極浦空流水終古寒潮帶夕陽
一到江天吟秀句

故人文采似文房

寒潮句彷彿記憶是美門詩集亡去無可檢視

彷彿清詩慰寂寥
吳山越水路迢迢
試吟海月江潮白
自古精靈應未消

雙溪橋寄廖衡素虞箴二首

前日三江口五朝復五暮今日雙溪橋是向松江路
江路人已遠臨流獨浩歌思君若春水日夜向秋波

西湖同京江先生宿瑪瑙寺

碧峯削玉插雲浮明鏡湖光淨不流雲水到來如昔夢
波濤涉後見虛舟山人有約遲歸鶴野客忘機狎白鷗
一片閒心天付與煩公時厓廟堂謀

詔以臣廷敬昔未至湖上

命出觀一日臣玉書臣揆叙並同即事恭紀

海山恩澤到樵漁處處香花祝

帝圖若問浙西名勝地韜光過後是西湖

杜鵑花江南處處有之皆紅色至武林乃有進白

杜鵑花者扈從諸公皆有作亦作一首

杜鵑花發杜鵑枝絕域經年到玉墀自有風光隨鶴駕
豈因霜雪老蛾眉月明影靜三更後香冷聲銷萬籟時
解語無言還獨笑啼紅空負錦城詩

玉泉寺

碧玉環流浸碧虛玉泉只可伴山居
他時重舉東坡語
曾識南屏金鯽魚

西湖八首

不愁平展漣漪水最愛斜堆斷續山
誰識天公才思好
留將詩畫與人間

江東北固與西湖好景天然兩畫圖
霜竹已非劉氏宅
湖山留得一林逋

一水孤山未覺遙夢中竹閣雨瀟瀟
樂天院裏無人到

應恐清都誤早朝

漫將往事說錢鏐陌上花飛似汴州我向西湖湖裏住
不須更上望湖樓

自識為農氣味長伴他鰕舍與漁莊六橋花柳無閒地
猶有人家幾樹桑

欲盡江山未却回錢塘波浪雪成堆西泠橋外汀洲路
為看江潮昨日來

放鶴亭邊鶴未回水禽相對不嫌猜門前來往孤山下

三日鷓鴣日日來

看盡江潮與海潮
湖心小駐似金焦
籃輿早趁扁舟道
回首閒情在斷橋

歸舟太倉道中懷王顓菴司寇

畫省從容吏散遲
水天閒話寄相思
孤舟來往婁東道
鳴鳥踈鐘憶舊時

吳門迴舟走筆禡題留別訪濂五首

玉局筵前振舵行
長思苦語盡平生
淋漓一夜征衫濕

不是人間離別情

兩度高齋往却還忙時相對別時閒白雲回首姑蘇道
不覺歸帆過惠山

把君詩卷重璣璫贈我新篇道氣存絕妙好辭髭亦白
乃知文字是名根

青天萬仞一身形飛去何因有翅翎今日黃梁雖已熟
盧生枕上不曾醒

腸斷孤舟春水聲雙魚遠寄百愁生無情頗記櫻巖語

度世何嘗不有情

句容道中寄彭夢洲史曹司二首

三茅誰繼古仙蹤
占斷金陵地肺重
歸去海山猶未是
教人却憶小茅峯

二子清詞獨起予
瑯嬛祕籍近何如
然青檢遍仙人錄
應在隨

鑒第七車

聖駕展禮明太祖孝陵恭紀

皇情思往代曠典逮前王封樹生春色山川賁寵光雲霞扶

御輦日月擁垂裳展禮如禋祀敷詞每肅將臣工紛感動士卒亦徬徨一念同天大千齡應運昌歷觀前史徧孰與

聖恩長紀載無雙筆謳歌自萬方恭陪逢喜起伏謁在班行擬進封人祝還賡天保章

秣陵口號

南渡風流跡未賒
回看嵩洛日西斜
中原曾是煙塵壘
江左還留故舊家
玄武湖連桃葉水
烏衣巷滿冶城花
白門却似隋隄柳
終古蕭條有暮鴉

金陵留題逆旅主人壁兼詠懷古蹟十首

終古行人夢未醒
勞勞亭外短長亭
白門柳色依然在
一種離魂草更青

蓆帽山人去渺茫
奉金贈遠意何長
相思他日來相訪
王屋山前是小莊

晉苑吳宮夢裏遊
登臨無暇去悠悠
不須盡攬江山勝
二水三山也是愁

烟塵金粉並成空
六代興亡過眼中
留與悲歌渾閒事
祖堂山畔問南融

華屋山丘事可傷
謝公遺跡一霜裳
會稽自有東山好
却上城南石子岡

一角殘山夕照昏
秦淮往事黯銷魂
留將三畝烏衣巷
江左清言屬謝鯤

伊蒲人自潔齋廚香飯多年啖野蔬何事誌公蓮舌底
居然吐出鱸殘魚

不老青山路不窮長江千古自流東紅塵白日紛紛去
舉世何人似葛公

江總宅邊淮水流閒花野草自春秋衰顏羞照青溪影
憐爾還家尚黑頭

悠悠西浦靚濃妝洛水明珠贈桂陽判斷三生緣已了
憑他神女杜蘭香

蔣山

蔣山行處是碧玉削芙蓉一別清溪曲雲嵐隔幾重風
林前浦笛烟寺遠江鐘似有神靈語他年訪舊蹤

靈谷寺

靈谷鍾山事豈同孝陵不復有遺弓天留布帽傳千佛
人訝金棺識大雄已墮鼎彝終寂莫常乘牙象在虛空
神光湧現華嚴界塔影江聲問誌公

歸次金山寺作

崔嵬千尺影巉巖除却浮槎渺莫攀獨立何曾緣兩岸
並行終欲後三山天遙海蜃長漂泊日落江潮自往還
波浪若能驚地軸孤根應不在人間

歸自金陵次金山寺懷孝感先生二首

澹粉輕烟往蹟遙蔣山殘靄暮江潮萬山氣象巖巖裏
也為風流愛六朝

俯仰天淵道甚明興亡難問石頭城水心山骨留題處
想見先生萬古情

郭景純墓

香火情多故國緣來看靈爽在江天後湖亦借公名重

多恐先生是水仙

景純聞喜人墓在江中一云在玄武湖中

金山懷史蕉飲却寄周桐楚二首

空明浮玉插青霄姑射仙人近可招却望蕪城詩思好

大江鐘送海門潮

蕉飲詩浮玉鐘聲剛到岸又隨潮送海門秋余每愛而誦之

青山猶是六朝非走馬金陵昨日歸萬古澄江淨如練

有人解憶謝元暉

始余訂交桐楚以金陵懷古詩

焦山二首

過眼榮華絕可憐
漢家宮闕渺浮烟
江東曾是孫郎地
却有名山屬孝然

焦公舊隱跡如新
西向孤墳吊景純
千里江山不寂寞

遙憐二子是鄉人

孝然亦
晉人

瓜步道中

渚邨維畫舫
步履入烟蘿
水湄風眠柳
江魚雨戲荷
笛聲浮翠落
帆影拂雲過
歸去淮南路
青山隔岸多

次維揚賦答徐蘋邨侍郎見和西湖詩八首

蕪城相望倍相親
鄭重瓊瑤袖裏珍
二十四橋空在眼
只應回憶六橋春

公望公才在廟廊
琅函典領水雲鄉
西湖風月東華路
回首登臨憶侍郎

錦標奪得萬人中

御覽詩陳造化功
每奏一篇天一笑
并將圖繪入幽風
槐庭往事十年時
靈鵲聲中晝漏遲
攜得蛟龍天上筆

欽定四庫全書

平亭文編
卷十九

二十古

扁舟吟過水仙祠

黃河遠上憶旗亭人散尊前幾度聽
更奏聖湖新樂府
一時傳唱與秦青

別去情懷白首中
磨丹清墨有何功
文章大手終須讓
又見風流小許公

羽林小駐碧灣間
濫點蓬萊侍從班
我是歐公堂上客
相隨不復到平山

何郎請郡為花來
得似孤山院裏梅
自笑江淹才欲盡

筆花載得滿船回

邗江舟中別訪瀛

此行此別欲淒涼
忽灑臨歧淚數行
夢裏不知關塞遠
歸時那惜道途長
調飢辟穀思真訣
多病安心試好方
江上青山猶送客
連檣况復似連牀

虎丘不及弔汪鈍翁歸次廣陵間蛟門墓在平山
堂側亦不得一往志感二首

宿草春風幾度青
江東蒼舊總飄零
誰知此日孤舟淚

并在山陽笛裏聽

烟月揚州夢裏緣故人精爽自依然回車何處平山路
腹痛當時語浪傳

楊子鎮

在昔邗溝外金沙積未平江臨楊子鎮山近廣陵城地
自隋唐異情因今古生淒其陵谷意付與濁醪傾

召伯埭

出鎮東南節蓋雄廣陵北埭晉時功已無雙檜甘棠在

此地人知憶謝公

謝安宅有手植
雙檜唐時尚存

發廣陵夜行明日次寶應懷王方若

竹西歌吹罷灣口似殘春何處金釵澗相思玉局人五
湖猶在夢三畝可同鄰浩蕩烟波裏沙鷗已自馴

圮橋

自偕黃石老不共赤松遊五世韓陵土千秋博浪流功
名是伊呂人代異商周森森圮橋水斜陽去未休

淮上懷孫籀卷學士二首

斜日歸帆去未休淮陰城下水交流逢人欲問婁羅樹

碑版常懷李海州

籀卷書古詩十九首石刻藏於家

年少相逢意氣羸送歸曾賦射陽湖恰如華老初登第
壁光中得大珠

淮水

桐栢深源濫不收出山爭似在山幽能兼百里馳千里
故使清流淪濁流水面暗浮春色遠湖心高映月輪秋
時行坎止關人事自古防川貴善謀

歸舟渡河却寄王吳廬尚書三首

小謝青山太白磯
大江西望入清暉
當年欲買金陵宅
今日孤舟逆浪歸

鳳凰臺迥夕陽邊
拄頰雞籠望渺然
也是江東一回到
人生蹤跡總堪憐

湖海逢人一笑還
秣陵風景夢魂間
相思為報三山老
已見黃河北岸山

歸次天津寄舍弟

別後江南路歸來薊北門誰知潞河岸還見海潮痕船
舫城邊市漁商水上村結茆何處好一一細堪論

題夢綠草堂種樹

六載艱難蜀道行秋來迢遞在秦城無端種得西牆樹
日日斜陽送晚晴

和人燒香曲

不論年老與身忙萬劫浮生坐裏長何限娑婆閒世界
能消幾許六銖香

小山臺同虞良西齋對酒作

小山文字飲臨眺盡秋城徑逐虛嵐上樽隨淨露迎人
間從野性物外得歡情今夜清吟客誰聽別院聲

西齋
居臺

南
院

次韻西厓題河上集八首

行漏郵籤水驛遲滄江今是鳳凰池相看青翰如青鎖
春到鸞坡下上時

熏風欲和五絃琴雙鳥千秋會一尋誰作人間膠漆意

雲門天上奏元音

海山歸路渺無邊
曾與仙人撫八絃
近日水雲空處住
不思依止向人天

桃花時節想君詩
惠我東籬采菊時
回首青谿南畔路
陶家酒勝謝家碁

謾謾長松夢裏風
優曇花散此山中
不因歸騎悠悠去

問法求詩並向公

遊靈隱西厓先
在草堂未遇

清詩相贈抵聞韶
我亦因風度碧寥
東野為雲從上下

南過天目北中條

不見黃門日易秋故人吳質近南樓

元朗作
我比鄰

眼中吾子

聲名在老我能堪第二流

西湖左掖從遊地館閣年來物望多更把黔陽詩過日

雲山萬疊勢嵯峨

時誦君
使黔集

九月十五日循西山下行過亂石村峯嶺奇秀輿

中讀使黔集及扇上詩有懷西厓二首

石奇那得亂村好自知名紅葉通西寺青山繞北平未

窮關塞勝難盡古今情却羨黃門客能為萬里行
紈扇如明月清光袖裏偕涼風字不減白雪調難諧重
以友朋念兼之山水懷行行纔昨日秋色滿槐街

寒夜即事寄訪濂館丈

霜風催我出前軒惆悵西窓宿火溫待漏院傳深夜點
校書閣掩幾重門春歸江海傷離別歲晚關山役夢魂
遙想揚州人未去官梅詩興與誰論

苦寒出門懷荀少

多少無衣陌上人乘車那惜出門頻自驚客路今年冷
誰見郊原十月春風急不知黃葉盡霜明欲稱白頭新
天公作意催吾老相別相逢只愴神

野宿答虞良

殘夜城邊客斜陽幾度催暮雲依樹宿歸鳥逐人來春
入新詩句寒銷濁酒杯北門應下鎖愁絕夢能迴

夜行寄給孤僧

祇林霜月挂疎松倒影寒階落葉重庭樹鳥栖人去早

五更誰聽寺樓鐘

北墅夜寄訪濂

六分春色去匆匆惜別江鴻與塞鴻宿麥已遲三月雨
桃花先落五更風夢魂顛倒青山外文字叢殘白髮中
君過清冷江上水憑將一洗陌塵紅

陰雲連日風輒散之有作

薄陰微靄過高城忽漫狂飈四野晴花藥總開紅濕少
柳條空颭綠烟輕雲師杜甫誅堪惜風伯昌黎訟未成

獨使

九重勞肝食堂餐深覺愧平生

北墅歸偶書

湖光裂帛隱嵯峨泉石西山望裏過一路柳風疎雨後
半身花影夕陽多行來沙際留鴻跡歸到門前有雀羅
老屋幽窓聊暫憩經春寒竹共婆娑

郊館夜晤牧仲冢宰

黃散功名畫省詩卅年心事故人知迴驚海內交遊少

却訝天涯聚散遲芳草長洲春去後落花高館夜深時
藤陰舊是栖栖地風月今宵有夢思

春思

落盡桃花柳絮飛粘風蛺蝶上春衣金錢欲卜還拋却
怕說行人且未歸

猶子觀顯咸受相聚於京師惘然欲別率爾言懷
汝伯衰顏意自傷浮沉二子各飛翔春歸畫省留紅藥
人到疎籬待晚香拙宦已都成夢寐早年何用卜行藏

牙籤白首誰能觸萬卷攜將代紫囊

三月二十八日夜與牧仲有郊館唱酬詩一時和者甚衆五月三日夜獨宿疊前韻二首

漫叟遺風寫興詩闕西清德畏人知竹林啟事偏來早
蘭稷流觴不較遲秀句我應慙少俊名場公自擅當時
龍雲相逐還相見卅載能禁一昔思

同詠清暉謝客詩暮天雲樹杜陵知二泉水繞波來遠

西山有二
泉署名

新月山長影去遲麥熟鳩飛踈雨外柳眠人

過晚涼時相逢為道頻相憶綴壁連珠繫我思

贈蔣靜山

尺五城南一畝廬寂寥因見子雲賢杜陵韋曲宜春外
芳草孤花夕照前臺迥黃金多士貴調高綠綺幾人傳
君王自賞相如賦不用吹噓送上天

荀少近喜為詩日以示予遂忘羈旅之感即事寫
懷亦冀夫有進乎是而得詩人之意也

眼前念念迹皆陳物候推移幾故新秀句自吟差有味

好書多讀可忘貧
牆頭青實全宜夏
屋角紅花別似春
簾閣縈香清晝永
此時相對即離塵



午亭文編卷十九

欽定四庫全書

集部

午亭文編卷二十

詳校官庶吉士

臣汪彥博

助教臣常循覆勘

總校官庶吉士

臣倉聖脉

校對官中書

臣牛稔文

謄錄監生

臣袁繼升

欽定四庫全書

午亭文編卷二十

大學士陳廷敬撰

今體詩

題內閣楮樹二首

桐方祭紙在人間，樗櫟何曾似子頑。紅藥嬾嬌春蕊艷，

閣中舊有古集

綠毛解惜鬢絲斑。聽殘鈴索音聲樹去，趁花磚

供奉班。

時兼內直

一種西牆連淡葉，輸他桑者自閑閑。

近樹十武

有桑
一本

映日籠烟紫禁深，萬年枝下亦森森。
絲綸自重黃綬色，槐柳元多碧樹陰。
薄有流膏因湛露，那無散木寄長林。
茅簷得就桑榆暖，閒向山農詫越吟。

北墅懷魏無偽

柳花風定麥花開，北墅西頭日幾迴。
夏雨欲看鋪隴上，春泉且喜入池來。
延英舊事懷遺直，禁苑新綸寵異才。
自是鳳毛常五色，獨憐沙鷺立裴裱。

為李東生中丞作

三年政地知吾老每見除書歎子賢
名姓直從天筆定絲綸不假殿麻宣
高鳥故自栖臺柏鳴鳳還須叶

帝絃舊日蔚州芳跡在龍門不遠雁門前

奉同安溪先生夜行赴

苑中應

召即事賦呈

自看蒲柳向秋零
柔翰功名一葉萍
近日

詔麻推將相
有人綸閣重

朝廷畫勤三接稀
宮漏夜久頻宣撼
索鈴斷續火城沙
路遠百城還擁讀
書螢

夜行即送咸受返故園

一燈無語對青熒
誰道傳呼近火城
玉勒馬嘶驚判路
銅街人起報三更
我尋北墅烟中去
子望西山月下行
十里陰晴渾不定
祇應浪迹過浮生

雨行二首

柳長紅橋低綠垂陰陰何處黃留離山禽引雛雨中去
燕子到家人未知

鬢絲榻畔裊茶烟眼底松牕一覺眠雨黑不知時早晚
合昏花似夜摩天

夜摩天以花
開合為晝夜

西湖詩查德尹太史見和出入懷袖已逾一載贈
處之義情不能已疊韻奉酬八首

把君詩句一開顏夢裏烟波別後山近日心情還似舊

西湖風月軟紅間

二州連守為江湖一笑蘇公蓑笠圖君是玉堂天上客
也因雲水羨林逋

孤槳扁舟路轉遙濛濛烟雨水瀟瀟白公隄向蘇隄去
不看湖山趁早朝

過江南渡與錢鏐歷歷

皇輿屬

帝州君向迴鑾亭北望望湖樓是望京樓

雨葉烟枝樹短長
南屏西畔水雲莊
不因桃李緣堤好
自愛閑閑十畝桑

拄笏看山杖策迴
湖光裂帛湧成堆
憑君莫道西湖好
自有西山爽氣來

纔踏金波春草迴
荷衣爭遣野人猜
花磚鬢影長
鬆甚
儻趁朱顏合早來

孝然石室對江潮
仙去名山尚屬焦
記得與君離別地
段橋應喚作查橋

憶與牧仲郊館夜集二絕句

夢入新豐路未長依然題竹滿筠廊
恠來詩與花枝好在宜春別苑傍

泉石蒼烟接近村夜深月照兩閒門
午亭歸路憑君問山後青山是故園

雨不止示家人

自要蓬門閉不開蕭蕭苔徑長
蒿萊從教新雨無人過曾見人誰舊雨來

次韻牧仲晚涼之作

肅肅花影動檐風催早秋梁栖雙燕老簾度一螢幽書

欲親黃奶

六朝人以書為黃奶

人誰共白頭聞君感紈扇緩置篋

中不

閒情

流俗知誰是閒情覺未慵壚添沽酒券市揀買花慵風
逐高雲去烟和細雨重忘機隨物性遲暮適何從

史蕉飲都諫春泉洗藥圖

欲訪名山未有期
鹿門逸興謝家詩
御溝流到春泉水
正是當階紅藥時

南行將發京題彭訪濂茅山集却寄二首

夢裏西牕可重尋
瑤華相贈比南金
春風送客花枝動
遲日維舟柳色深
佳句百篇千里路
尺書三載故人心
白頭萬事都拋却
猶愛夫君吳會吟

九河水接五湖流
直到君家下小舟
歲月載添衰謝恨
江山一洗別離愁
春來遠客今聊爾
老去狂歌且未休

了却南園重到意乞身章上便林丘

待舟題北鎮舊詩

柳暗青門道花明白玉珂三春飛旆去萬里使車過漁
唱江南曲龍沙塞上歌平生遲暮意無那壯遊何

安溪先生獻歲有詩即事留別

萬人傳唱和人驚要眇朱絃殿閣聲最有文章緣政事
豈因官職重詩名相看綸藻詞先定獨對花枝句又成
皓首從公真覺晚一春小別廿年情

張衡臣編修以扈從先歸覲省贈別

也紅亭遠柳毵毵我去君來春正酣
試向亭前傳一語
櫻桃時節到江南

留別齋中花樹

柳葉似為青眼客
桃花應笑白頭人
早償洛下三生債
老趁江南兩度春
未到啼鶯吟自苦
還同旅雁夢相親
數枝寒竹經冬綠
留待歸時紫籜新

夜坐別雪鴈

皎皎春初夜團團月迥明還為數座坐不似別家行塵
垢山河淨琉璃世界平此時殊有意那得竟無情

恩許先一日發京於水次待

駕

羽衛傳清蹕天行念老臣暫分仙仗路先及屬車塵雲
水臨前浦烟花接早春恩光隨處好普為萬方民

宿安平鎮

殘更待曉闕薄靄投遙林不覩溝塍處寧知耒耜心雲

山春色早簪組歲華深昨夜來燕市猶聞擊筑吟

潞河見月寫懷

明月生海上蒼茫東海東仙人亦悵望吾意偶然同
宿萬里始離塵千慮空夜來摩尼色似已凌清風

聞笛

楊柳青青沙雁還時清羌笛戍樓閒更誰吹出關山月
照盡邊關與塞山

白河

白河通鳳沼遙映玉泉峯山曉月光澹水明花影重遠
波歸海近空翠落潮濃森森江湖去仙源此處逢

武清道中

雉乳野雞鳴迢迢遼鳳城連天海色暗溼地一輪明百
里京華道千山故國情南來重回首春盡是歸程

武清南店贈楊生

野館官河路春風蕩柳條輕烟直沽水斜日木蘭橈香
稻來江國汀洲上海潮喜逢燕趙士還與酒帘招

天津

津門控上游銀漢接天流水合三叉口檣連萬里舟烟
花河兩岸城郭海西頭自是繁華地無忘羈旅憂

次楊柳青船工作二首

三日黃雲逐岸沙得船今日似歸家
千亭烟舫春光暖
飛盡東風楊柳花

漁子風潮若個邊榜人相就宿寒烟

天家賜與舟船好疑乃聲中似往年

舟中寄舍弟

青山原上百花洲
浪逐桃紅出澗流
夢裏京華千里外
不知今夜在扁舟

舟中留別京師親故

一棹烟波萬慮輕
畫旂斜捲晚風晴
好春臨水灣灣好
明月隨人處處明
海上蓬山違昔夢
天涯書舫得浮生
綠楊影蘸桃花浪
應是離人惜別情

楊柳青解維襍題兼寄彭訪濂六首

秋日楊柳黃春日楊柳青千條與萬條長亭復短亭
河上江雁來飛飛塞北去江南有故人來時在何處
驛使經年到梅花寄隴頭一枝東閣晚應是在揚州
離京三百里為客九迴腸平野天疑盡官河路轉長
思君比流水到海有終極與君相見時別後思不息
暝色赴孤舟烟中夕鳥投水行無定準幾日到吳洲

武清道中寄西齋二首

惆悵別離盡素心安所期海潮初到處江雁遠來時路

入深春早舟行夕照遲烟波望無際渺渺寄相思
思君如明月處處映清波舊隱江邊在新詩海內多舟
航通水國燈火宿春河誰道天涯遠東風一棹過

靜海道中

往來成利涉烟景豈蹉跎夜舫覺潮響春燈聞棹歌百
川東近海千里北流河疏鑿當年意吾生喜重過

舟泊靜海南四十里贈勵南湖

君家河水上數里惜王程海色連津樹春流遶縣城檣

烏歸岸遠沙雁入雲平行漏迢迢夜非關契濶情

滄州道中懷勵文恪公

春風渤海郡人日草堂詩

高達夫有人日寄杜詩

故里淹行客芳

洲惹夢思功名元特達文采重淒其迴首山陽笛孤舟
淚欲垂

河上逢子文

河水東流雁北迴青青柳色傍人來停舟借問江南客
江上梅花開未開

桑園山東境南宿十五里曉發寄舍弟京師

桑園漁火接通津未比桃源遠世塵但有河流長送客
祇因柳色解隨人雲山海國蒼烟晚風景幽州白日春
昨夜池塘青草色夢回陡覺別離頻

德州北曉發遇阮亭

春岸沉沉撥棹聲長川疎柳帶高城寒燈夜雪依篷重
清鏡衰顏映水明每惜芳年曾久別驟看遲暮若為情
相思應到分流處汶水東西兩送行

河上有懷二絕句

水流東到海到海是歸期惟有思君意悠悠無盡時
思君江海水海水鎮常好不似與君離生年日易老

夾馬驛次韻京江先生雪中並騎回舟見遺之作

自覺衰顏組濫紆陽春雅調入疎蕪門迎宋祖銷寒酒
用宋藝祖雪
夜訪趙相事
筆掃袁安卧雪圖共喜雲霄千里瑞儘

堪蓑笠一舟孤年來大手蠲逋詔何止山東百萬租

臨清待閭懷湯西厓中州

前歲下滄州春雲接薊樓今宵泊東郡西月挂嵩丘
清濟還長見黃河自曲流與君塵外賞能緩別離愁

臨清間逢劉生

昔別燕京道今逢衛水濱

間西衛水所入處

柳條堪寄遠草色

解隨人祿酒燈前意丹砂物外親川途方浩蕩常恐白
鷗嗔

祖德

有序

余家近堯畿代有文學高伯祖容山公萬歷甲戌進

士歷關陝副憲詩名尤重於世嘗有云未遂持螯意
空懸擊楫心蓋未嘗至江海間也余小子昔奉使至
海上今扈從

視河有舟航之賜珍食之飲追溯祖德感歎而記以詩
丁亥二月初六日北河第一閘書

祖德斯文在家傳正始音歌謠依

帝日分野直辰參丘壑三生客雲天萬里心持螯兼擊
楫佳句獨長吟

第二間蚤起宴坐寄李中孚先生二首

宴坐春船裏波濤靜不喧斯文如未喪名理與誰論
雁影窓中月雞聲岸上村浮生何所著有得是無言

落落身名晚茫茫歲月違春風吹墮月曉色攬行衣
四海幾人在百年萬事非祇應與夫子偃息向荆扉

舟中示兒子

忠信涉滄海清明捐岱宗無營心澹泊蚤起事從容
文字多累功名是偶逢行行鄒魯近捨此適何從

第二間過後簡同直諸公在別舟

春氣漸氤氲
香憶夕熏行
看三尺日回見
一川雲歸
雁不可數
遠鐘何處聞
風帆猶未落
客思正紛紛

清平縣有懷諸學士

水驛清平縣
孤帆日暮來
天低秦嶽觀
雲淡魯臺蒲
岸人嘗見谿
烟棹却迴
邑名元自好
羨爾濟時才

東昌河上絕句

袖中三載篋
中書行向河
關千里餘
流水無涯人
易老

海山消息近何如

陽穀縣

江黃曾此會渺渺棹扁舟野草迷陽穀汀花落濟州盟
寒河澤水春近嶽雲樓日暮絃歌地空悲戰伐秋

青川驛

青川望杳杳幽思與誰論倦客夢迴枕午雞聲近村浦
舟隱北樹驛騎下東原魯酒一杯醉孤篷自掩門

荆門驛

漢水不可涉荆門齊魯間客行半春路舟在九河灣飛
鳥目猶送孤雲心與閒悠然川上興偃息想潺湲

張秋鎮

境壤連三縣

岸北隸陽穀東岸
東阿西岸壽張

人烟接二東漁商河市

上雞犬漕船中平野遲斜照孤帆送遠風浮生信所適
雲水夕濛濛

寄桐城先生

秦嶽日邊出黃河天際流我行千里遠迢遞下南洲遙

憶龍眠處長隨雲去留相期明月夜同宿大江樓

汶上道中

舟泊水逾響潺潺夕棹間清堪流石髮綠欲點苔斑言涉江海道况見東南山稍愜塵外賞沙鷗相對閒

舟中聞琴

倚櫂綠波細泠泠聞七絃微風松定後明月雁歸時誰以黃金錯飾茲桐樹枝伊余方晏寂此理陶公知

二月十二日曉發濟寧作

杜李曾遊處能令百世思任城無賀老濟水似唐時野
店雞聲早官河人去遲斯文終未喪儒雅是吾師

漆園城

隱吏何人解息機漆園漠漠草菲菲只今夢裏三千載
唯見春來蝴蝶飛

魚臺舟次錢絅菴見訪

晨發濟北地暮期湖陵城天晴候雁迥烟曉春帆明執
手豁野興款言生古情子方富才蔭予老趨柴荆

月夜歸舟作

大船泊岸鳥棲枝小船迴棹歸人遲夜深却似南谿月
池水東邊漸上時

舟中題畫

妙手勾吳設色工沙明水暖翠浮空扁舟便欲相從去
不道烟雲是畫中

滕縣道中

榜歌聲漸襍吳音滕縣花寒柳綠陰欲渡清淮春色晚

絕憐汶泗碧流深

彭城道中

落日彭城道，淒涼戰伐功。
至今廳事下，猶說霸王雄。
煙草隨蕭子，風雲感沛公。
虞兮不寂寞，人在楚歌中。

徐州道中寄荀少京師

扁舟一葉水連天，歸雁成行落照邊。
今夜黃樓春草夢，遙思風雨對牀眠。

下邳道中

高鳥長淮去淼茫楚州人物入蒼涼誰知百尺樓中客
自許元龍卧大牀

鍾吾驛

古道鍾吾驛秦餘下相城黃河天外落海水日邊生九
點齊烟盡孤舟楚岸橫東南風景異同是夕陽明

晚望桃源縣

風帆憑水國驛路入桃源蝶夢時依枕雞聲漸近村春
深海西岸月出秦東門欲就漁人宿還期靜者言

賦得揚州郭裏暮潮生

昨辭瀛海水迢迢直到揚州見暮潮
聞道仙人在方丈竹西晨過夜楓橋

渡淮北岸曉行暮抵曹家廟同儼齋尚書

春水生桐栢迢迢下楚州
花開猶古渡月映自清流
芳杜思南國蒼烟問故侯
相從憑眺遠留艇寄閒鷗

清江浦寄秋崖

閩天無盡暮雲生
淮水東邊月漸明
同是離心江海工

思君無那夜猿聲

淮工

高鳥依依去閒雲故故斜蒼涼淮水上歷落楚人家
舊日英雄里殘陽野草花不辭胯下辱噲伍最堪嗟

寶應湖邊夜泊有懷牛園花樹二首

柳映桃花湖水清夕陽一樹近船明不緣隔岸應攀折
爭惹行人惜別情

萬頃烟波一望孤長淮兩道夾蓬壺半篙新綠南谿水

曾泛扁舟似五湖

宿高郵城南憶關塞舊遊

碣石遼西塞上緣吳江楚水夢魂邊秦郵亭畔多生客
又是孤舟一夜眠

邗溝題別淮水

長淮千里水悠悠送盡行人江岸頭最是裴裴東去意
暮潮還及上揚州

過揚子江

危檣來已遠絕岸一孤舟
大海三山近長江萬里流
蘋花迷極浦瑤草上春洲
終古餘霞在能堪日暮愁

金山逢野老

江山閱萬古暮雨一登樓
繫艇隨潮上飛花逐水流
地喧逢野老心遠寄閒鷗
相見不相識聊因慰薄遊

金山寺樓題壁

乞食何妨靖節賢殘年一飽便欣然
解嘲肯信坡公語却訴江神為買田

金山寺留題

重向金山寺祇疑夢裏遊
晚潮移岸艇明月動江樓
檻外吳江路門前建業舟
茫茫后土意漂蕩得無愁

京口

京口千帆窄吳洲萬壑深
水天長浩渺霸業久銷沉
故壘閒鍾阜雙峯在鶴林
自憐江海客猶復戀華簪

招隱寺

招隱山深白日斜
山前猶說戴顓家
題詩人去無消息

零落春風玉蘂花

自金山夜汎江入京口懷徐蘋村侍郎維揚

妙高峯下泊暝色久沿汭艇進中流去潮連夜雨來南
徐行漸遠北固首重迴芳草天涯路還思東閣梅

繫舟京口岸行赴金陵

征途渾忘故園情江上維舟杖策行一路青山連白下
却思今日是清明

次龍潭驛懷孝感先生金陵二首

人行江樹裏心在暮雲間
草綠春洲長花濃野店閒
纔辭揚子渡已近秣陵山
明日秦淮水相看映別顏
滾滾流年去匆匆會合踈
長江爭道路斜日向林閭
野水雙窺鬢山花滿插輿
因公一蕭散已覺似吾廬

發金陵登燕子磯

燕子飛時磯上過石頭牛首近
如何六朝舊壘山千點
萬古長江海一波烽火幾曾燒
野草樓船終不礙漁歌
只今虎踞龍盤地北拱神京王氣多

夜行阻舟即事

雙鬢孤燈照千檣一澗通
窄疑秦棧險曲似阮途窮
犬吠穿林月人驚泊岸風
無生那有累到此萬緣空

哭吳元朗

春水吳天路迢迢半為君客行失東道
老淚滿南雲漂泊真由命窮通豈論文
淒涼千古恨流慟大江濱

題松江尚書賜金園

天與園林泖水隈
賜金早見出蓬萊
逾漢帝營朱邸

恩以唐宗撤殿材曾轉行旌花外駐還隨步輦日邇來
六龍已協非熊夢却勝磻溪罷釣迴

發松江奉懷杜梅梁先生二首

有序

先生諱喬林字君遷萬歷丙辰進士由刑部主事為
湖州知府威惠大行捕太湖盜有功遷水利道歷福
建屯鹽道山西按察使入覲時流賊陷河曲莊烈帝
問城陷故先生對曰賊飢民亦飢城故不可守願思
所以賑恤之而已時進言者多震懼失指先生條對

詳明帝目屬焉進浙江右布政使分巡溫處道海賊
入寇募勇士殺賊三戰皆捷以病請歸先生名德著
於家國華亭人思慕之不衰予過先生故里愴然興
懷蓋低徊不能去云

旅館春臨水隨潮夜出城海風常欲冷江雨急無聲夢
與九峯別情將萬古生集仙門外路天上迥分明

南門
日集

仙

身世誰相識孤舟晚自橫野花隨岸泊邨徑落潮行風

物猶今昔聲名屬老成并州棠樹在想見舊遊情

嘉禾道中三月晦日作三首

行盡吳洲望越峯竹枝桑葉晚烟重送春此處辭人去
來歲春歸何處逢

望裏平蕪水碧灣嵯峨心在兩峯間故園此日春歸路
東去千山與萬山

客舍桑乾已白頭故鄉迢遞在并州吳山越水三千里
歸夢時時過蒨樓

西湖重宿瑪瑙寺

放鶴亭邊處士家依然禪榻傍烟霞地幽山色臨窻近
徑轉湖光入寺斜香閣遙飛三竺雨畫簾高捲六橋花
門前鷗鳥如曾識相伴寒雲宿晚沙

西湖月夜

湖上見新月窈窕清波間漸明烟際寺半影窻中山漠
漠渚花落蕭蕭林木閒雲陰入早夏頓覺春光還

登葛嶺最高處

紅樓窗外碧孱顏
高枕深慙野衲閒
風雨三春江上路
烟波千里浙西山
欲騎鶴背排雲去
且聽漁歌弄月還
寄語仙翁勾漏令
丹丘人在海門間

發武林寄桐城先生維揚

湖水盈盈照白頭
謝公東閣在揚州
誰期洛下三年別
重作江南兩地留
風雨連宵如昔夢
雲山今日是歸舟
相思不逐春光老
明月長江萬古流

長水道中又題二絕句寄桐城先生

綠蘿烟罩芰荷衣
曾約青谿共息機
卜築江南吾已老
桐山空望白雲歸

憶昨揚舲下楚州
相邀明月宿江樓
只今人在江南北
况復前期兩白頭

四月二十三日歸舟渡江題杜梅梁先生遺像

九峯望不極
千里向河關
吳楚江邊岸
人天海上山
迷津行漸遠
往路夢能還
夫子清都客
相思塵世間

勲業雲臺像
風期天上人
文昌高帝座
香案儼儒臣
忠

孝傳金錄精誠達紫宸南冷清絕水一酌薦江蘋

瓜洲渡江

天塹茫茫裏長風送小舟地連滄海市城壓大江流南
北分歧處關河第一洲雲山歸路遠芳草欲相留

維揚贈金陵送者

江上秦淮一葉舟多君相送到邗溝情知建業城邊水
解為行人西北流

嶧縣南見山有作

自別春山去夏雲深幾重黃河西北岸翠色兩三峯未
暇觀滄海還應上岱宗仙人相待久騎與二茅龍

滕縣

麥風如浪影參差滕縣溪光漾綠漪五月行人河北路
江南又近稻花時

流水

流水清如此征途去若何暮雲飛鳥盡孤渚宿鷗多鬢
色羞開鏡年華畏逝波三山儻可到心事敢蹉跎

泊太白酒樓下和人金山詩

浮玉滄江激浪奔，高樓客夢幾消魂。
一峯底柱當吳會，萬里朝宗赴海門。
直下波濤驚地軸，倒翻河漢動天根。
君山剡却湘流好，醉裏狂歌未可論。

太白詩剡却君山
好半鋪湘水流

夜泊汶上張老莊即事

綠陰遙識好林泉，弭棹還移近屋邊。
桑下豈容成兩宿，壺中自可度千年。
烟霞便是神仙宅，香火曾為大士緣。
不繫舟船心已住，夜來明月滿前川。

壽僧五十

桃花栢子舊禪枝
五十風光迥自知
比到趙州行脚日
青蓮弄藥已多時

禹鴻臚以賈閬仙養雛成大鶴種子得高松詩意
畫為圖壽牧仲太宰二首

九臯聲徹過庭遲
丹頂玄裳世羽儀
最是鷹揚人未老
岐陽初見鳳鳴時

映日龍鱗偃蓋形
種時曾惜子星星
從今風度雲來後

看到年深長茯苓

題嚴如園編修竹堂晴雪圖二首

銀管連宵映雪明
六花催放筆花生
玉堂曙色清如許
修到唐書第幾篇

扶荔雲邊繞屋梅
寒香林裏竹扉開
若為驢背尋詩去
定是龍門賞雪來

九日獨遊棗林寺會牧仲太宰與諸名士分賦古
人九日詩句予亦效顰拈得樂天自從九月長

齋後不醉重陽十五年之句聊以發諸公一笑
粲耳

十年半偈老相催今日重陽笑口開伴食還逢香飯鉢
逃禪且盡菊花杯高雲細逐長天去四序平分一氣來
會得道人元不醉憑君三萬六千迴

上元前一夜宿北墅壯履內直未歸即事作

華林渺渺接烟邨宿鳥寒枝似故園人道謝家生玉樹
汝憐韓祖識金根關山往路頻回首燈火良宵獨倚門

已辨乞身章再上歸田心事待重論

正月十八日

苑中奏摺子以老疾懇請致仕將隨例具疏投進未蒙
恩允歸路口號

一紙三年篋裏書今朝得奏玉階除九霄

天語驚難荷萬事人生愧不如沙凍野鷗行尚懶路迷
老馬步還踈殘燈落盡歸來晚又是春宵畫角初

向雲澤自曹州以牡丹見遺賦答

春風料峭幾枝斜，穠艷依然帶露華。
牧佐舊為芸閣吏，曹州今有洛陽花。
寫生銀管曾修史，入席天香抵坐衙。
節舍竹籬還稱否，憑君相贈到烟霞。

乞歸未得答曉山侍御見訊並簡鐵峯甥婿庶常
感君問訊賴交情，同是柴門隴畝民。
歸去來兮今已老，臣之少也不如人。
鄉園歲酒團圓晚。

帝里恩光浩蕩春，轉覺過從還絕少。
知予懶似舊時真。

趙中丞生日詩

馮翊扶風寵異才一門兵柄戟扉開功名兩世凌烟閣
威望三公御史臺薊苑山河圍雁塞春農風雨接龍堆
封章驛奏

天顏喜新賜甘泉法醞來

季橋東以縑素索書戲題

予敬還當過右軍家雞野鷺不同羣吳綾半剪并刀冷
空負羊欣白練裙

王恒麓學士以新

賜御書兼為王母稱壽索詩因同赴南苑馬上口占為
贈

燕趙流風間氣生黃圖人物漢西京闕城地濶開南苑
山海天高見北平輦道曉隨春樹轉殿廬新奏祕書成
多君

御藻承恩日正是長筵進玉觥

出郭見山桃花早開二首

汶篁凍葉影離披惆悵江梅雪滿枝惟有山桃太狡獪

一春先放早春時

雙眉嶽嶽重如山怕見飛花點鬢斑紅杏綠楊都後汝
相看陡覺破愁顏

楮牕雪後閒詠

雪飄簷樹凍霑枝烟景銷沉歲閏時三月春寒歸燕少
今年人老見花遲已堪酒盡忘弓影那惜詩成惱鬢絲
自是黃楊慳節候天工一物不曾私

浙閩總督梁公調生日其門下士為求詩

往事金陵憶請纓
鯨波風捲陣雲橫
頻年節鉞兼文武
一代勲名罷甲兵
海嶠八閩今半壁
江天萬里舊長城
東南多是甘棠地
已識台星正玉衡

張孝先中丞開府閩中

開府年來出至公
玉鑾宣

詔大江東清如秋水
涵溟海直比朱絃
應化工百道樓
船迴下瀨三呼筓
鶴過登蒿衣裳正
及夔龍位已奏卷
阿豹尾中

詠懷簡西陂先生

一月不相見三春有所思殘花遮徑淺孤鳥託枝遲物
望如公在生涯敢自私祇應垂老意攄寫向西陂

和陽關曲三首

柳色年年似渭城客中相送客中行一杯酒盡君須去
故遣陽關三疊聲

銀瓶沽酒玉壺傾醉別多於醒別情與君莫作匆匆別
聽取陽關第四聲

酒醒人遠柳條閒
草長沙場接塞山
遙識玉門春不度
夕陽何處是陽關

閏月二十一日題野人壁

有意天工閏歲華
春光偏在野人家
差科未動閒時節
相見匆匆為看花

西陂歌八首送牧仲太宰致政還商丘

將歸不作送行詩
說著青山惹夢思
纔渡黃河人未遠
午亭沁水接西陂

正憶西陂隔翠微
網魚刈麥弄晴暉
明農却笑鷹揚老
罷釣河邊不見歸

城郭人呼垤澤門
歸來行馬舊猶存
回思赫赫宗周業
微子千秋有裔孫

鐵石心腸賦最奇
宋公池館早梅時
朝來睡穩笏簷日
看罷南枝見北枝

赤松黃石有前期
人似留侯更莫疑
錯比渭濱歸去晚
年來未及釣璫時

細雨為霖知好春東阡南陌指平津
毫丘遺老欣相語公是商家夢裏人

文雅臺邊大樹枝綠陰春長草離離
桐珪世及唐封遠到日先看賈至碑

堂開五老杜祁公八十年時當老翁
且待潞公九十外我來並駕謁高嵩

寄弟梅莊

風動百花好紫荊照眼明友于關至性
兒女累虛名五

斗陶家意千秋季子情題書心緒亂那得盡平生

五月初七日蒙

恩問臣病狀感而恭紀

眼洗黃連風黯吹驚傳好語淚雙垂祇應疾痛呼天訴
已見矜憐荷

聖知七日夢魂遊

帝所一槎星漢問秋期歸來穩續陳情疏再奏

重瞳報典司

送子文之南安

玉舸萬里度黔陽
新換銅符下豫章
已有風謠聞按郡
最多文采見為郎
梅花南嶺春先放
江水東流路自長
政暇從容過幕府
要令詞賦續三王

再送牧翁

家近青山欲盡頭
太行新月古懷州
遙知一灑臨分淚
能使黃河水倒流

南來沁水北雙魚
中有佳人錦字書
歸去未歸君已去

西風搖落雁飛初

為子文書褚公撫本蘭亭有米海岳跋褚公書米
所自出也子文書實本文皇冊兼諸家精意有
名於時因以為贈

昭陵典冊尚嶙峋米老誰當繼後塵更得文皇親激賞
祇疑登善是前身

薊北門送人

言從龍尾下繫馬北荒村海日遼西路天風薊北門塞

山木落遠沙野雁飛昏余亦茫茫客離心安可論

北墅二首

市朝耽僻處林野得遊行身為隨人懶名

一作官

因入道

輕墻花歌欲避巷柳側還迎風景何遷次無心物自平
疎樹見茆屋孤雲來遠村野鳬依凍水籬犬出閒門老
漸收書帙愁仍命酒樽海風吹白月相對倒金盃

野宿觀送別者

宿鳥猶在樹征夫已歛門夜霜盈別袖山月照行軒往

卷二十一
路人將遠離觴酒尚溫
勞亭畔柳銷得幾迴魂

十八日北墅蚤起書

道心遠塵市野興愜郊扉
酒綠泛不淺燈花開未稀
晨鐘人倦起殘月雁孤飛
一夕西山外林泉夢覺非

簡王思顯侍御

仍是天涯客能忘世上情
那將詩送老聊用酒為名
黑髮雖難變丹砂竟可成長吟
摩詰句辛苦學無生

冬日書懷

已看寒臘近不厭歲華頻岸柳催眉放江梅作意新世
應輕白髮我自惜青春暗與東風約驅車草似茵

自題楮窓詩後與吉人

楮窓人又老相對葉凋殘近覺無能好還思忍事難慵
拈書帙厚喜接酒杯寬賴有新題句憑君暖眼看

曉行西山下懷素心兼寄秋厓閩中荀六荀少粦
東

太行千萬疊人在太行西與汝為兄弟多生合解攜野

雲歸路遠霜鳥宿枝低更想遙天末如間猿夜啼

十二月二十日夢中得句春苑多桃李孤松獨稱

心云是白香山所貽覺而有異因續成詩

春苑多桃李孤松獨稱心夢中名句味天上紫虛音夫
子云何在高風實所欽詩仙題鳳藻聲價重雞林最有
文章貴還知道德深言辭嘗諫諍勲業不銷沉千里黃
河曲三峯華岳臨曇花開一見薝蔔與重尋騎換令公
鶴絃添元亮琴唐家猶盛日精爽到如今

半日村

唐詩人郎士元酬王季友題半日村別業詩村映寒
原日已斜烟生密竹早歸鴉長溪南路當羣岫半景東
鄰照數家余往來北墅率在夕陽時偶誦君曹之詩
謂亦可以半日名茲村也

行盡高城望北原寒烟衰柳向柴門鳥鳴欲下斜陽樹
客到堪題半日村自古繁華成寂寞只今好景易黃昏
紅爐煖炕推窓坐新月還當泛酒樽

壽樊秋試失解有作

晉陽宮柳噪寒鷄
桂葉飄零烟月斜
孺子已堪為逐客
老人那得不思家
槐根待醒殘年夢
梅蕊禁看破臘花
聞道春耕田絕少
陽坡留與種秋瓜

十一月十七日半日村草堂獨宿壯履以事歸城

中排悶作二首

曲巷茆堂轉藥欄
新豐將作舊村看
青山送老千年在
紫陌尋幽半日歡
懶慢從教書帙亂
閒放任酒杯寬

牆花階草饒春意況有園松耐歲寒

半日離家半日歡老人情緒亦無端自憐為客衰顏冷
那敢逢人白眼看坐久山村真寂寂夜來冬月尚團團
應知短檠攤書處猶是寒窓映雪寒

半日村曉起即事

沙寒幽草覆清溪步野村邊獨杖藜千里雲山行塞遠
四圍烟樹接天低流泉近海還趨北落月臨關故向西
昨夢分明在巖谷數聲催斷五更雞

半日村即事述懷寄朱竹垞

西郊槐市遠北墅草堂偏紫陌韶華晚黃塵歲序遷偶
來嘗半日小住或經年裂帛湖陰迴來青閣道懸飛雲
交碧樹幽澗出紅泉覽結情難徧登臨興每牽綠牆環
斗極列館應星躔邨第看榮謝蓬萊得靜便圖書容懶
慢丘壑可流連入直居人後投林在鳥先風光堪送老
景物似歸田洛下三生客江東八詠篇多時常繾綣即
事益纏綿伊昔宮庭裏相隨供奉前公才真特達契分

與周旋文史紛填委言辭賴討研蛟龍騰彩筆鸞鳳上
華箋自賞千金貴誰為半額妍蛾眉從古妬狗監幾人
賢浩蕩江湖外蕭條杖履邊寶牀香漸散團扇月空圓
花為春愁放風因急雨顛暮霞猶片片霜菊尚鮮鮮獨
有殘年者歸與盍已馬對人同野鶴無語類寒蟬點綴
絲綸簿棲遲粥飯緣漏稀銀箭水日慢綺窓錢身世誠
由命行藏豈任天劉嘗兩迴上謂兩進摺書待一封專
已蠟登山屐還尋載雪船故人知好在雙鬢各飄然天

壽崇明德思君一勉旃

桐城先生輓詩四十韻

有序

桐城先生初以史官特擢長直

內廬閱數載予始由翰林學士掌院事被

宣召間日月一至至或更歲時復出與公聯事最久公
游歷院部及參大政入侍帷幄出踐臺閣予前後在
官未嘗與公不相從也公既予告歸予實忝繼公後
公和而不屈約而能通口無言過動為行表擬量絜

德予多愧馬典型猶在哲人云亡終始之際得無愴
懷銜慟致詞畢攄情志

同天遊復旦惟岳降生申世向百年老公為千載人台

階環斗極箕尾上鈎陳達命元通化登仙竟若神

公見夢已

為文昌
列仙

龍眠騰赤道鵬運絕蒼旻時論歸前輩斯文起

後塵過門傷賜第為位哭霑巾令德今長在流徽久不
泯魏徵多嫵媚子壽更清醇履次平如水經冬暖似春
共知經術美直取性情真有犯心何校忘機物自馴罷

琴聲斷咽別鶴唳頻呻賤子衰庸日恭承

明聖辰追陪紛感激遲暮易逡巡弱植依溫樹非材忝
積薪淒涼飽韓菽瀟灑想吳尊餞宴樽壘盛班寮祖
席勻湖山疏沼榭雨露滴松筠最愜幽棲志高標獨立
身寒更待漏院羸馬子城闌蕭颿驚從衆乖離失所親
冰兢趨閣道惶恐接麻綸往事看調鼎餘波欲問津酒
壚約犀首卜肆謝嚴遵自撥形骸累寧由祿命屯且容
行坦坦不覺走踈踈指口翻成錯推眉敢效顰裴回深

殿路邂逅大江濱聚散逾三紀逢迎再決旬先生憐故
舊後死痛沉淪何處青囊藥堪扶涸轍鱗還丹應有術
冲舉豈無因溝壑嗟填委雲霄計屈伸葛公泉味冽苦
縣李嘗新

帝所升賢喆

朝家念舊臣浮生投淨域上宰佐鴻鈞幽贊參軒似神功
邁渭莘精誠仍報國靈爽必殊倫明月清風夜無辭入夢頻
園柳送南歸客

園柳淒迷戀落暉不成攀折送人歸
曉風何處棲枝鳥正是江南雁北飛

閣中見題名錄有懷張澤長下第

村花溪草共柴荆幾度春風在遠行
松月照窓思伴直杏烟點筆悵題名
家山正是懷君處客路翻同下第情
那有斯人滯空谷皇天老眼自分明

杏花二首

昨朝紅蘂已離離今日花開定不遲
未到曉鐘人別去

歸時應惜未開時

客舍紅芳又一時
別時常早見時遲
成陰結子匆匆過
知汝明年可對誰

北寺坐久對花作

懶慢時常絕
送迎相逢且作看
花行忘花坐久兼忘我
何況悠悠世上情

杏花半落又題二首

宛轉辭枝似別家
飄零衰白向天涯
春光未老多桃李

惟底心情為杏花

絳雪飄蕭落似銀
年年有約趁芳春
祇憐白髮終難變
總有丹砂信不真

去歲與牧仲同出西使門
今春過北門感舊却寄
音書迢遞雁飛翻
往事重堪與細論
十里烟花隨輦路
五更燈火出譙門
東都祖帳何人在
北海賓朋舊日存
再見渭城新柳色
殘年銷得幾迴魂

夜讀四書有作

蕭然衣馬耻輕肥更覺閒門客到稀
未盡百年誰竟是已過七十早知非
天迴鄒魯生人命地轉江河造化機
道在六經先四子焚膏還欲繼餘暉

獨坐與澤長示隨正

獨捲殘書坐誰堪繼夜缸花飛紅濕
硯蝶舞綠陰窸晚景春猶在歸心老
却降相憐去住意客夢各雙雙

春暮卧病志感

殘花細雨眼迷離乞取春光為鬢絲
栽就綠章封未上

金史卷八十二
卷二十
一年忘却送春詩

雨中簡曹生

無數垂楊綰別離
春風春雨又歸遲
暮鴉棲斷黃昏樹
正是平沙落雁時

四月初七日病假社門忽已半月
偶遇南使寫懷
寄訪瀟

蕭蕭白髮不勝冠
拄笏西山日日看
又落牆花知客久
未歸江雁覺春寒
忘機書向忙中展
好嬾琴從靜處彈

相見故人傳一語只今卧病在長安

卧疾寄壽樊

春歸何處渺天涯門掩疎籬久客家
雨過啼鳥還繞樹風吹驚蝶尚尋花
綠陰漸覺東牆厚白日迴看西嶺斜
有約陽坡樓寂地來時未必及秋瓜

曹生過子彈琴

門如寒水近方壺三徑依然興不孤
蘿月有情稀客過松風無價待琴沽
音聞寂歷銷塵劫烟雨空濛入畫圖

萬事浮生難住著儘將閒處費工夫

與高鍊師

柳市誰知著隱淪五陵車馬逐流塵古稱燕趙悲歌士
我愛雲山歷落人蘿徑風花長避客石壇烟樹若為鄰
雅琴自昔同相賞笙鶴從教分外親

自題午亭山村圖往年有卜居江南之意撫今追
昔因兼寄懷訪濂侍講謹庸宮贊一百韻

元會中天盛勳華二典懸王畿千里內甸服四門前宮

室茅茨下羹牆日月邊瞻依從北極耕鑿向東偏宗祏
猗蘭大支條奕葉連我陳真忝竊帝系本纏綿媿汭波
流遠胡公錫命專蒼茫經百世播蕩詎三遷履武因蒲
坂觀星並潁川地開王霸迹野次鼂參躔華岳遙撐拒
黃河近折旋歷山容陟降雷澤許汭沿巖壑蟲叢濶峰
巒鳥翼翩太行故倚角清洎復淪連終古唐風在於今
舜德延周家虞叔國原邑趙衰田往事皆如昨遺蹤一
浩然闕城紛接塞山水上連天自昔黃圖迥高居白壤

駢距河臨兗雍都冀盡并燕以德承三統無私戒十愆
紛紛強役弱往往急相煎篡奪何知足誅夷或併肩王
風委蔓草宗國混戈鋌禮樂資師表詩書費討研鳳兮
誠已矣麟也曷終焉茅土乖王命封疆競自便夏盟誰
竟主晉國遞相踵遂有陪臣亂能操共主權九州方迸
裂初命更韓閼韓土三分僭留侯五世賢莫強兵馬地
獨切虎狼緣七國爭鋒鏑孤羸擾幅輶職方經界壞王
制井田寘餘烈窮塵燄殘灰積劫然孤鳴毒火爛蟻闕

穴沙填華屋嗟危栗蒼生痛忿悃三精埋魯壁九鼎墮
虞淵自古興亡業何曾白手奪人占芒碭氣天厭祖龍
燂戰地無秦壘清時有漢暎亭名留午壁表字問丁年

每憶樊川棠相同杜牧編標題殊未忝笑語任流傳

余所

居名樊川昔曾
以樊川名集

彭澤窮山海桑欽撰水泉閒時供把翫

佳處借陶甄適與情相洽還因取自箋會心仍古蹟選
勝得遺篇白石欣相賞朱坡悔欲前午亭鄉夢短故隴
客心痛迴首余生後移家宣德先吾宗繁子姓小子一

夫廬頗按鄴生註幽尋沁水裕析城高掩映上澗側便
姍獲澤東交滙陽阿左狀游浸山霞縹緲漱石玉潺湲
獨往淨如練單行清且猗樊山迴峻嶺丙舍列長槎峽
起村完聚風藏氣鬱芊西流東澗水南暝北峯烟物外
人稀到區中事少牽桃花春十里桐葉歲三千舊是唐
封地茲為世陌阡古今同一慨俯仰各相憐過隙云何
駛安居即是禪生涯從薄產負樂悟真詮猿鶴容疎放
雲烟不棄捐但攻章句學寧為蓼蘼妍在昔龍門史能

驅虎觀員汾川宗浩浩涑水破濺濺天使斯民覺心歸
至道堅斗標聯氣色桑梓接壇筵詎敢憐同調因之願
執鞭文瀾寬似海義路直于弦源遠惟涓滴途長祗躋
顛龍鱗攀莫達鵬翼附難騫忽漫思姑射聊將效倭佺
幽憂能解免羈思遂拘攣只訝巡欄鹿還悲飲露蟬自
教身寂寞豈是遇逌邐狷潔思巢父孤高慕善卷衡茆
今未遠仕隱古難全肝膽分秦越菁華合削朘少言羞
拙訥多病愧媚嫫脫力驚鸞紙脣膚困馬羈金丹誰

與鍊白髮豈須蠲蝶粉頻銷落蠶絲數裏纏阮孚幾蠟
屐子敬舊青羶荏苒時將晚蹉跎業未竣春華今已謝
夏月又重圓留舫思安道登樓憶仲宣草池珠並綴雪
鵝壁常聯河北歸樵路江東下釣船故人徵晉問南國
被薰絃吳地觀型土堯封慕采稼騰翔憑驤裏蹇鈍託
夢蛭獻納勤三祝謳歌暨八埏采洲思杜若卜筮試筵
萼葺芷編荷屋疏蘭傍蕙櫺萼鱸與藜糝那復異坤乾
牆邊隙地可種柳有感而止贈張大

夢到鄉園覺後驚天涯芳草傍愁生牆邊更不栽楊柳
恐惹征人去住情

病起夜詣苑中簡方若

一月閒居理去裝連宵又罷乞身章風迴烟草春如夢
月上溪花夜有香嘶馬漸隨難唱遠流泉還與漏聲長
思君未了詩緣在擬向樽前醉幾場

方若見和復次韻

一世生涯在素裝明珠照乘辱新章我如散木天容老

君凡幽蘭國有香魚鑰曉催鐘漏盡馬蹏春緩玉鞭長
九衢三畝都陳迹且可相尋翰墨場

野寺寄素心

伏枕春歸見夏雲眼中物態又紛紛林花飄落隨殘靄
牆柳玲瓏映隙曛一簇遊蜂憐幻影幾迴喧雀斷聲聞
俗緣易了情難遣詩思禪心並憶君

嵇母節壽詩

編修嵇曾筠母
博士永仁夫人

表忠有喜到慈闈彩鳳銜書下紫微天上尾箕明歲次

人間蘭玉茁春暉
賓朋重整陶家讌
綸綍新裁孟母機
賜得錦袍親看著
開箱還檢侍中衣

湯西厓視學中州使還簡懷

別久思君首重搔
音書斷絕夢魂勞
中流濟水清長在
秋色嵩雲晚並高
自有雄文歸諫苑
信知廉吏出詞曹
相逢不覺衰顏冷
喜共承平氣象豪

題西亭榆樹寄豫朋二首

白榆歷歷在秋河
種向亭前映綠莎
幾度西風見搖落

樹猶如此奈人何

紙上功名換笠蓑槐庭柳塞不爭多只今垂老漁陽客
望斷關榆曳落河

八月十二日半日村侵曉夢獨行迷失道攀緣絕
磴上見土壤平豁枕山帶郭風氣鬱然有朱衣
夾路問之曰合肥李公墓也哭失聲而覺二首
夢魂枕上江南路覺後初當墮淚時宿草幾迴秋色老
傷心為欠哭君詩

雲車風馬像平生
指點朱衣導我行
回首黃扉十年事
荒原今日見交情

韓質良來自梅莊憶舊遊却寄舍弟

問訊山中客
山中十載前
朱波連杜曲
石塢自樊川
看竹攜殘帙
題松裨短箋
曝裊家似阮
歌枕腹如邊
燕壘花銜補
鶯窠柳對懸
陶琴元未鼓
姜被幾迴眠
苔滑經妨履
沙晴坐勝綿
寺樓醺酒借
鄰舍引渠穿
行馬能蹴放
騎驢任倒顛
山歌遲嶺月
牧笛上墟烟
雞犬知人意

樵漁省世緣至今溪水上閒却夕陽船

題紫滄醉吟圖二首

閣道天街隔禁林黃昏獨坐紫薇深如今問取香山老
那有閒時得醉吟

長慶文章筆晉人十三行後點波新情知子敬風流在
故遣生綃畫洛神

謂圖中
寫景

周在清孝廉館王眉長學士家數以學士意來診

視余疾寫懷申謝之作十二韻

卅年如隔世相對意蒼茫
藥榜人還少槐根夢許長
物華遽起忽遲暮獨淒涼
語默思難遣逢迎性頗傷
病緣聞道晚時為訪醫忙
臣朔公車客留侯辟穀方
藥來嘗苦口事往戒迴腸
肝膽雖顛錯心神頓激昂
古人知國士吾老惜文場
伴直因松月棲巢得鳳皇
雲天殊浩濶鵬路合翱翔
他日紆簪紱無須學楚狂

題衛會嘉竹間圖二首

浮筠瀟碧野烟生
天帝還應傍玉清
不度岑華尋嶰谷

此中自有鳳皇鳴

瞻彼淇園衛叔賢風人載詠武公篇誰知千戶侯封日
十畝依然在渭川

己丑八月予承祭

聖廟我裕以分獻同事越日見示寫真冊子徵予近詩
走筆題四首

夫子宫牆數仞尊婺源源水接崑崙百官宗廟多時見
正是長身幾世孫

長恨樞趨後魯堂三千弟子不同行也應高士軒中去
灑掃還賁一瓣香

曾聞五老降星精萬古宗祊在魯城不見閩天誕睿日

芙蓉蓱井白虹生


先聖生有五老降庭丈公誕降於閩是日有白虹起於婺之丘隴戎裕家

吳楚間故有此首

珠囊金鏡赤書新冠劍何堪間後塵四海絃歌同此日
故應吟詠作詩人

王蓋臣將還故山見過取別

大隱還須讓散人
脩然採藥問歸津
已將白髮安吾老
只為丹砂濟世貧
午枕流連鄉夢遠
閒門剝啄子來頻
故山亦有胡麻飯
莫向天台訪玉真



午亭文編卷二十